



CIM.SPECIAL NEEDS

Te au tamariki e turanga tuke to ratou

Mei te utututu a te au metua i tetai ua atu tamaiti, te tu o te utuutu i tetai tamaiti e turanga tuke tona. Ka anoano'ia kia maata te ngakau aroa e te maanaana no te au tamariki katoatoa, e te au kotinga'anga e te au koropini'anga kia akanoo'ia, ei ravenga i te tauturu kia tau to ratou turanga akono'anga. I tetai taime, ka anoano katoa ia tetai tauturu akaou mai no ratou, i te au tuanga tikai o te nekeneka aere, o te apii kimi kite, me kore ra, no ta ratou tuanga o te turanga te ka tupu me pakia māiniini'ia.

“E mea umere to ratou au turanga matutu”

Te akono'anga/ako akatano'anga

E akamanako meitaki koe e, me e turanga natura te akono'anga o taau tamaiti iaia e tupu maira. Ko te maata'anga o te tamariki, e na roto ana ratou i te au tuatau ka pepehi kai ratou, ka riririri, me kore ra, ka patoi ratou i te au akaue'anga katoatoa te ka oronga'ia atu. Komakoma'ia atu ki tetai au metua ke ma te ui atu kia ratou i te au mea e tupu ra ki ta ratou anau tamariki. Ka rauka mai te au tuatua akakitekite no te au rave'anga e te akamarama'anga te ka tauturu ia koe i te kimi manako i te au tuanga te ka anoano'ia, e tetai au tauturu akaou mai no taau tamaiti.

Ka anoano'ia tetai au tauturu akaou mai no te apii a tetai au tamariki e penei, e turanga akono'anga tuke to ratou ka tupu mai. Kare ra mei te mea e, ka anoano'ia tetai akanoonoo'anga tuke takiri no taau tamaiti. I te maata'anga o te taime, kare taau tamaiti e marama ana i taau e tauta ra i te akakite kiaia. Penei, te akakite atura aia i tetai apinga kia koe na roto i tana akono'anga e rave ra.

Kare aia e marama meitaki no te mea, e ngata ana aia i te akamanako meitaki, e kare aia e marama ana i taau e tuatua atura, me kore ra, ka ngaropoina iaia taau i akakite atu. Penei, e mea tau kia akaari koe i tana e rave, me kore ra, kia maramarama meitaki taau au akakitekite'anga kiaia e kia maata toou tāokioki'anga i te reira.

Penei, te akakite atura taau tamaiti kia koe e, e manamanata ana aia i te vera e te anu, e ngata ana aia i te amirimiri i tetai au apinga, me kore ra, kare aia i kite i tana kia rave me kangakanga aia e tetai au tamariki. I tetai au taime, penei, e matepongi ua tona, me kore ra, kua roiroi aia.

“Kia aiteite meitaki tikai te ka raveia”

Tetai au manako tauturu

- E kimi manako koe e, me e kino maata, me kore ra, e kino meangiti ua tona tu akono'anga. I tetai taime, e mea meitaki te akangaropoina atu i tetai au tu akono'anga
- Kia aiteite ua rai taau ka rave, e mea puapinga maata teia mei te mea e, e ngata ana taau tamaiti i te kite marama i te au akaue'anga tei akakite'ia atu kiaia.
- Kia pakari tinamou koe, ma te kore ra e va'a maata pakari ua atu ei.
- E akakite koe kiaia me tau tana akono'anga e rave ra.
- Auraka koe e papaki i taau tamaiti, ko te rave pera katoa aia i taau i rave i te papaki atu i tetai aronga ke.
- Me te maata kino atura toou riri, e aere koe ki tetai ngai ke ma te akaea au a'o kia rava meitaki.
- Auraka koe e apii akatano i taau tamaiti me te riririri turituri ra aia. E akapapu ra koe e, te meitaki ua ra aia, ma te akara ua atu rai iaia.
- E akaari koe i tetai au akatutu'anga tau kia rave aia. Me papaki aia i te kiore-ngiao, e akaari koe kiaia e, e akapeea ana te mirimiri marie ma te karanga atu e, "e mirimiri marie koe i te kiore-ngiao" i to te karanga atu e, "e akono meitaki koe i te kiore-ngiao."
- Akatinamou'ia tetai au akanoonoo anga e tetai au turanga no taau tamaiti kia moe aia e kia kaikai i te reira ora tikai i te au ra tātakitai.
- E akamanako meitaki koe i tana akono'anga e rave ra aia e, eaa te akaari'ia maira kia koe e teia. Penei, kua roiroi aia, kua manamanata, kua matakū, kua viviki i te kite i tei tupu i te amiria'ia anga aia, me kore ra, no tetai turanga tei tupu?
- E akamaroiroi koe ma te tauturu i te akamarama meitaki ki taau tamaiti i tana e rave me kangakanga ake aia ki tetai au tamariki ke, ka maata tona kite ka rauka mai.
- Kia maata taau au ravenga akatuke'anga i tona manako; akaneke'ia tona manako ki tetai apinga ke atu.
- Oronga'ia atu e rua tu angaanga kia iki aia, i to te akaruke pera ua e "eaa taau ka inangaro i te rave."

"Kia rava te taime"



S.K.I.P

skip.org.nz

facebook.com/SKIPcommunity

Te turuturu i te au kopu-tangata

E ora'anga ngata te noo e te tamaiti e turanga tuke tona. Penei ka maata toou au apoinitimene (appointments), taau au kimi ravenga no te au manako manamanata, me kore ra, no te evaeva ra koe, me kore ra, no tei maata mai taau au angaanga i te ngutuare. E akapapu ua rai koe i te kapiki i toou ai taeake, i te aere ki ko i to kotou au putuputu'anga oronga tauturu ma te akapapu e, kua kite toou kopu-tangata i teia au mea katoatoa. Kare e tangata e rauka iaia i te rave koia anake ua i te tuanga a te metua. Ka anoano'ia tetai aronga ei komakoma'anga naau kia ratou, no te turuturu ia koe, e ka mataora koe i te noo e ratou.

Penei, ka anoano'ia kia kite katoa mai tetai o taau anau tamariki e, eaa te tupu nei. E tauta koe i te oronga i tetai tuatau no ratou kia kore ratou e manako e, kare ko ratou tetai.

E maata te au putuputu'anga e oronga turuturu ana ki te au kopu-tangata. Ko te maata'anga i teia au putuputu'anga, tei roto i te akapapa'anga turanga basileia a te putuputu'anga Family and Community Services (Te Putuputu'anga Oronga Tauturu ki te Kopu-tangata e te Oire) no te turuturu i te au kopu-tangata, tena tei runga i te roro uira atuitui www.familyservices.govt.nz.

“Penei, ka marie te au tuatau, ina ra, e apinga tikai te mataora”



S . k . I . P

skip.org.nz
facebook.com/SKIPcommunity

Ka rauka mai tetai au tuatua akakitekite akaou mai no te au putuputu'anga o te au oire, mei ko mai i te:

Putuputu'anga o te Au Metua o te Tamariki kua Kino te Mata Parents of Vision Impaired (NZ) Incorporated

Phone/Fax 07 838 3439

Email paul@pvi.org.nz

www.pvi.org.nz

Are Vairanga Puka a te IHC e te Putuputu'anga Oronga Tuatua Akakitekite

Phone 04 472 2247

Fax 04 472 0429

Email webmaster@ihc.org.nz

www.ihc.org.nz

Putuputu'anga Oronga Tuatua Akakitekite a te CCS

Phone 04 801 0854 or 0800 227 200

Fax 04 382 9353

Email info@no.ccs.org.nz

www.ccs.org.nz

Putuputu'anga o te Metua ki te Metua

Phone 07 834 1108 or

toll-free 0508 236 236

Fax 07 834 1108

Email p2pnational@compuserve.com

www.parent2parent.org.nz

Putuputu'anga Tango Basileia o te Aronga kua Turi te Taringa The National Foundation for the Deaf

Phone 0800 867 446

Tel/TTY 09 307 2922

Fax 09 307 2923 or 0800 332 343

Email enquiries@nfd.org.nz

www.nfd.org.nz



S . k . I . P

skip.org.nz

facebook.com/SKIPcommunity

SKIP supports parents and caregivers
to raise their children in a positive way.

For more information go to:

www.skip.org.nz

Email: info@skip.org.nz

Phone: 04 916 3300

For more information on support for parents, go to:

www.familyservices.govt.nz/directory



S . k . I . P

skip.org.nz
facebook.com/SKIPcommunity